

Naqqiut

Taarserpaa siunnersuut 31. januar 2019-imeersoq
(Tabellimi uani "Inatsisissatut siunnersuut inatsimmut atuuttumut sanilliullugu" tassaavoq §
19, imm. 1-ip kalaallisoortaa ilanngunneqartoq inatsisip oqaasertalersornera atuuttoq
naapertorlugu)

Siunnersuummut nassuiaatit

Nassuiaatit nalinginnaasut

1. Aallaqqaasiut

Imigassat ilaannut Kalaallit Nunaanni Immiugaasunut akitsuutit pillugit Inatsisartut inatsisaanni aalajangersarneqarpoq, imigassat Kalaallit Nunaanni sananeqarsimasut, imigassat Kalaallit Nunaannut eqqunneqartut akitsuuserneqartussat taamaaqataannik liiterimut akitsuut atuutissasoq.

Inatsisartut inatsisaanni siunertarineqarpoq Kalaallit Nunaanni inuussutissarsiutigalugu imigassanik sananeq, aammali inatsimmut ilaavoq imigassanik nammineq atugassanik akitsuusigassaasunik sananeq. Inatsit imigassaq pillugu Inatsisartut inatsisaanni § 30-imut ataqatigiissillugu isigineqassaaq, taanna malillugu imigassanik aalakoornartortalinnik nammineq atugassanik sananissaq inerteqqaalluni.

Siunnersuummik siunertarineqarpoq inatsimmi pineqaatissiisarnerit pillugit aalajangersakkat erseqqissassallugit, tamatumani pineqaatissiisarnerit pillugit aalajangersakkat kingunertussusai pillugit nassuiaruminaassinnaammat.

Inatsisartut inatsisaanni pineqaatissiisarnerit pillugit aalajangersakkat inatsimmi § 19-imiipput. Inatsimmili § 19-imi pineqaatissiisarnerit pillugit aalajangersakkat, inatsisip sinneratut, pingaarnertut inuussutissarsiorluni imigassamik sananermut tunngapput. Naalakkersuisut tamatumunnga atatillugu malugisimavaat, aalajangersagaq naammaginartumik ersarinngitsoq, pineqaatissiisarnerit pillugit aalajangersakkap kingunertussusaanut qulakkeerinninniarnermut aamma imigassamik nammineq sananeq imaluunniit paarsineq il.il. pineqartillugit pineqaatissiisinaanermut qulakkeerinnissammat.

Aalajangersakkami § 19-imi allanngortinneqassasoq taamaattumik siunnersuutigineqarpoq, taamaasilluni pineqaatissiisarnerit pillugit aalajangersakkat kingunertussusai nassuiaruminaatsinneqassanngimmata.

Siunnersuut iluanaarutitigut imaluunniit allaffissornikkut sunniuteqassagatinneqanngilaq.

2. Siunnersuummi immikkoortut pingaarnertit

Siunnersuutigineqarpoq, inatsimmi § 19, imm. 1, nr. 2-mi erseqqissarneqassasoq, inatsimmi aalajangersakkat unioqqutinneqarpata, imaluunniit unioqquteriarneqarpata, pineqartoq piaaraluni imaluunniit mianersuaalliorujussuarluni iliuseqarsimappat akiliisitaanermik pillarneqarsinnaasoq.

Erseqqissaanerup ersarissisippaa, imigassanik ethanolimik akulinnik sananermi inuussutissarsiornermi taamaallaat pineqaatissiisoqartassanngitsaq, aammali pineqaatissiisarneq Kalaallit Nunaanni imigassanik ethanolimik akulinnik nammineerluni immiornermi, tassani akitsuuteqartussaansamik malinninnginnermut atuutissasoq.

Tamatuma saniatigut siunnersuutigineqarpoq, inatsimmi § 19, imm. 1, nr. 5-imi erseqqissarneqassasoq, imigassat Kalaallit Nunaanni immiugaasimasut akitsuutaannik inatsit malillugu akilerneqarsimasussaagaluanik akitsuuserneqarsimanngitsunilli tunniussisoq, pissarsisoq, paarsisoq, atuisoq, assartuisoq imaluunniit pisoq akiliisitaanermik pineqaatissinneqarsinnaasoq. Allanguinerup qulakkiissavaa, sanasoq imaluunniit nioqqutissamik tunisisoq kisimi pineqaatissinneqarsinnaassanngitsaq aammali tamatuma kingorna nioqqutissanik tiguisut atuisullu pineqaatissinneqarsinnaassasut, taakku piaaralutik imaluunniit mianersuaalliorujussuarlutik imaluunniit akitsuutinik akiliinnginnissamat peqataappata.

Inatsisissatut siunnersuut maanna inatsimmut sanilliullugu	
<i>Maanna oqaasertai</i>	<i>Inatsisissatut siunnersuut</i>
	§ 1 Imigassat ilaannut Kalaallit Nunaanni immiugaasunut akitsuutit pillugit Inatsisartut inatsisaat nr. 20, 11. december 2003-imi Inatsisartut inatsisaanni nr. 1, 26. april 2007-imeersumi aamma Inatsisartut inatsisaanni nr. 9, 19. oktober 2007-imeersumi allangortinneqartumi, tulliuttut allanguutigineqarput:
§ 19, imm.1 Kinaluunniit piaaraluneerluni mianersuaalliorujussuarluniluunniit iliuseqartoq pineqaatissinneqarnikkut	1. § 19, imm. 1, ima oqaasertalerneqarpoq: " Kinaluunniit piaaraluni imaluunniit

<p>akiliisinneqassaaq:</p> <p>1) paasissutissanik akitsuutinik nakkutilliinermut atugassanik eqqunngitsunik paatsoorneqarsinnaasunilluunniit tunniussisoq imaluunniit paasissutissanik nipangiussisoq,</p> <p>2) § 3, imm. 1, § 6, imm. 1, § 8, imm. 1, § 9, imm. 1 imaluunniit § 10, imm. 1, unioqquutinneqarpata."</p> <p>3) § 11, imm. 1 naapertorlugu peqquneqarnermik malinninngitsoq,</p> <p>4) nalunaarsorneqarnerup Akileraartarnermut Pisorta qarfimmit § 9, imm. 2 imaluunniit § 12, imm. 1 aamma 2 naapertorlugit arsaarinnissutigineqareernerata kingorna ingerlatamik akitsuuteqarfiusumik ingerlatsiinnartoq,</p> <p>5) nioqquutissanik, inatsit manna naapertorlugu akitsuutaannik akilerneqarsimasussaagaluani akitsuuserneqarsimanngitsunilli tunniussisoq, pissarsisoq pisorluunniit.</p>	<p>mianersuaalliorujussuarluni iliuuseqartoq akiliinissamik pineqaatissinneqassaaq:</p> <p>1) paasissutissanik akitsuutinik nakkutilliinermut atugassanik eqqunngitsunik paatsoorneqarsinnaasunilluunniit tunniussisoq imaluunniit paasissutissanik nipangiussisoq,</p> <p>2) § 1, § 2, § 3, imm. 1, § 6, imm. 1, § 8, imm. 1, § 9, imm. 1, § 10, imm. 1-imik unioqquutitsisoq, imaluunniit unioqquutiseriaraluartoq,</p> <p>3) § 11, imm. 1 naapertorlugu peqquneqarnermik malinninngitsoq,</p> <p>4) nalunaarsorneqarnerup Akileraartarnermik Aqutsisoqarfimmit § 9, imm. 2 imaluunniit § 12, imm. 1 aamma 2 naapertorlugit arsaarinnissutigineqareernerata kingorna ingerlatamik akitsuuteqarfiusumik ingerlatsiinnartoq, imaluunniit</p> <p>5) nioqquutissanik inatsit naapertorlugu akitsuutaannik akilerneqarsimasussaagaluani akitsuuserneqarsimanngitsunilli tunniussisoq, pissarsisoq, paarsisoq, atuisoq, assartuisoq imaluunniit pisoq.”</p>
	<p style="text-align: center;">§ 2</p> <p>Inatsisartut inatsisaat 1. juni 2019-imi atuutilissaaq.</p>

3. Pisortanut aningaasaqarnikkut allaffissornikkullu sunniutissai

Siunnersuut pisortanut aningaasaqarnikkut imaluunniit allaffissornikkut sunniuteqassasoq naatsorsuutigineqanngilaq, tassani siunnersuummi suliassa qarfimmi suleriutsit atuutereersut taamaallaat erseqqissarmagit

4. Inuussutissarsiornermut aningaasaqarnikkut allaffissornikkullu sunniutissai

Siunnersuut inuussutissarsiornermut aningaasaqarnikkut imaluunniit allaffissornikkut sunniuteqassasoq naatsorsuutigineqanngilaq, tassani siunnersuummi suliassa qarfimmi suleriutsit atuutereersut taamaallaat erseqqissarmagit

5. Avatangiisinut, pinngortitamut innuttaasullu peqqissusaannut sunniutissai

Siunnersuut avatangiisinut, pinngortitamut imaluunniit innuttaasut peqqissusaannut sunniuteqassagatinneqanngilaq.

6. Innuttaasunut sunniutissaa

Siunnersuut pisortanut innuttaasunut sunniuteqassanngilaq, tassani siunnersuummi suliassa qarfimmi suleriutsit atuutereersut taamaallaat erseqqissarmagit.

7. Sunniutissat allat annertuut

Siunnersuut allanik annertuunik sunniutissaqanngilaq.

8. Oqartussaasunik kattuffinnik il.il. tusarniaaneq

Siunnersuut piffissami 24. oktober - 28. november 2018 makkunani tusarniaassutigineqaroq: Sulisitsisut, NUSUKA, SIK, KANUNUOE, Naalackersuisut Siulittaasuata Naalackersuisoqarfia, Inuussutissarsiornermut Nukissiuuteqarnermullu Naalackersuisoqarfik, Ineqarnermut Attaveqaqatigiinnermullu Naalackersuisoqarfik, Pinngortitamut, Avatangiisinut Ilisimatusarnermullu Naalackersuisoqarfik, Ilinniartitaanermit, Kultureqarnermut Ilageeqarnermullu Naalackersuisoqarfik, Peqqissutsimut Naalackersuisoqarfik, Aatsitassanut Suliffeqarnermullu Naalackersuisoqarfik, Isumaginninnermut Inatsisinilli Atuutsitsinermit Naalackersuisoqarfik, Nunanut Allanut Naalackersuisoqarfik, Aalisarnermut, Piniarnermut Nunalerinnermullu Naalackersuisoqarfik, Kommuneqarfik Sermersooq, Qeqqata Kommunia, Kommune Kujalleq, Qaasuitsup Kommunia, Politimestereqarfik aamma unnerluussinermut oqartussaq aammalu Eqqartuussissuserisut peqatigiiffiat.

Makkunanga tusarniaanermut akissut tiguneqarpoq: Kalaallit Nunaanni Politiit, Isumaginninnermut Inatsisinilli Atuutsitsinermit Naalackersuisoqarfik, Ilinniartitaanermit, Kultureqarnermut Ilageeqarnermullu Naalackersuisoqarfik, Naalackersuisut Siulittaasuata Naalackersuisoqarfia, Peqqissutsimut Naalackersuisoqarfik aamma Pinngortitamut, Avatangiisinut Ilisimatusarnermullu Naalackersuisoqarfik.

Matuma kingulianiipput tusarniaaffigineqartut oqaaseqaataanni immikkoortut pingarnerit, nalinginnaasumik allallugit issuarneqartut, Naalackersuisut oqaaseqaataat *uingasumik* allassimallutik.

Isumaginninnermut Inatsisinilli Atuutsitsinermit Naalackersuisoqarfiup tusarniaanermut akissuteqaammini oqaatigaa, siunnersuummi inatsimmi pineqaatissiisarnermut aalajangersakkat erseqqissarneqarnissaat pisariaqartut piffissanngortorlu naliliisoqartoq.

Pineqaatissiisarnermut aalajangersakkat atuuffissaanni aamma imigassamik nammineerluni immiorneq imaluunniit taakkuninnga uninngasuuteqarneq pineqartillugu pineqaatissiisarnissap pineqartunut ilaatilemmissaata qulakkeerneqarnissaa pillugu

siunnersuummi nassuiaatinut, § 19-mut allannguutit siunnersuutigineqartut saniatigut, aamma § 2-imi allanngortitsisoqassasoq siunnersuutigineqarpoq, taamaalilluni inatsimmi siunertaasoq erseqqissarneqaqqissalluni.

Isumaginninnermut Inatsisinilli Atuutsitsinermut Naalackersuisoqarfiup siunnersuutigaa § 2 imatut oqaasertalerneqassasoq:

”Suliffeqarfiit aamma inuinnaat atuilernermi akitsuummik akiliisussaataapput. Tassa imaappoq nioqqutissat akitsuusiinnginnissamik akuersissuteqartoqarsimalluni aaqqissuussinermi, pineqartunut ilaajunnaarpata. Nioqqutissat suliffeqarfimmit imaluunniit inuinnarmut tunineqarpata imaluunniit atorineqarpata, nioqqutissat naammassillugit tunisassiarineqareersimappata, taakkua atuilersimasutut isigineqarput.”

Isumaginninnermut Inatsisinilli Atuutsitsinermut Naalackersuisoqarfik siunnersuummut allanik oqaaseqaatissaqanngilaq.

Inatsimmi § 2-ip oqaasertaasa allanngortinnissaat Naalackersuisoqarfiup pissutissaqarsorinngilaa. Tamatumunnga tunngavigineqarpoq, inatsimmi pingaartumik Kalaallit Nunaanni imigassanik inuussutissarsiutigalugu sananeq siunnerfigineqarmat, tamannalu imigassat aalakoornartut pillugit Inatsisartut inatsisaanni § 30-imut ataqatigiissillugu isigineqassaaq, taanna malillugu imigassanik aalakoornartortalinnik angerlarsimaffimmi immiorneq inertequtaavoq.

Taamaattoq § 2-imut maannakkut atuuttumut nassuiaatini allassimavoq, aalajangersakkami aamma imigassat ethanolitallit, nammineq atugassatut sananeqartut, pineqartunut ilaasut.

Kalaallit Nunaanni Politiit siunnersuummi § 19, imm. 1-imut oqaatigaat, siunnersuummi allassimasoq ’pineqaatissinneqarnikkut akiliisitsisoqarsinnaasoq’.

Kalaallit Nunaanni Politiit oqaatigaat pineqaatissinneqarnikkut akiliisitsisoqarnissaa eqqunngitsoq. Tamatumunnga taarsiullugu allassimasariaqaralarpoq ’akiliisitsineq’.

Tamatuma saniatigut Kalaallit Nunaanni Politiit inassutigaat, imigassanik aalakoornartortalinnik, akileraarummik sukumiisumik akiliiffigineqarsimannngitsunik, arsaarinninnissamut inatsimmi tunngavissamik ersarissumik ilanngussisoqassasoq.

Siunnersuut ilanngunneqarpoq.

Imigassanik aalakoornartortalinnik, akileraarummik sukumiisumik akiliiffigineqarsimannigitsunik, arsaarinninnissamut inatsimmi tunngavissamik ersarissumik ilanngussinissaq Naalakkersuisut pissutissaqarsorinngilaat.

Tamatumunnga tunngavigineqarpoq, imigassaq aalakoornartortalik pillugu Inatsisartut inatsisaanni kapitali 11-imi tamatumunnga inatsimmi tunngavissaqareenera, taanna malillugu imigassat aalakoornartortalit angerlarsimaffimmi sananeqartut, aammalu atortut iluaqutaasussat imigassamik aalakoornartortalimmik angerlarsimaffimmi sananermi nalinginnaasumik atorineqartartut, takuuk inatsimmi § 30, arsaarinnissutigineqarsinnaapput.

Isumaginninnermut Inatsisinilli Atuutsitsinermut Naalakkersuisoqarfimmit matuma siuliani apeqqummut akissuteqaatip ataani taaneqartutut, inatsimmi pingaartumik Kalaallit Nunaanni imigassanik inuussutissarsiutigalugu sananeq siunnerfigineqarpoq. Taamaattumik imigassaq aalakoornartortalik angerlarsimaffimmi sananeqartoq immikkut siunertaralugu inatsimmi tunngavissamik ilanngussinissaq naleqqutinngitsoq, Naalakkersuisut isumaqarput.

Peqqissutsimut Naalakkersuisoqarfimmit siunnersuut taperserineqarpoq, tassami tamanna pitsaaliuineramik sunniuteqassasoq naatsorsuutigineqarmat.

Peqqissutsimut Naalakkersuisoqarfik siunnersuummut allanik oqaaseqaatissaqanngilaq.

Naalakkersuisoqarfiup siunnersuut tapersermagu, Naalakkersuisut naammagisimaarpaat.

Pinngortitamut, Avatangiisinut Ilisimatusarnermullu Naalakkersuisoqarfik, Naalakkersuisut Siulittaasuata Naalakkersuisoqarfia aamma Ilinniartitaanermut, Kultureqarnermut Ilageeqarnermullu Naalakkersuisoqarfik siunnersuummut oqaaseqaatissaqanngillat.

Siunnersuummi aalajangersakkanut ataasiakkaanut oqaaseqaatit

§ 1-imut

Siunnersuutigineqarpoq, inatsimmi erseqqissarneqassasoq, inatsimmi aalajangersakkanik tamanik unioqutitsinermi imaluunniit unioqutitseriaraluarnermi akiliisitaanermik pineqaatissittoqarsinnaanera.

Erseqqissaanerup siunertaraa inatsimmi § 1 naapertorlugu akitsuutinik akiliinngivinnerup imaluunniit ilaannakortumik akiliinerup pinerlunnerunera erseqqissassallugu. Pinerlunneruneranut atatillugu imigassanik ethanolilinnik inuussutissarsiornikkut imaluunniit nammineq immiorneq apeqqutaanngilaq. Pisorli nunatta karsianut annaasaqaataanermik kinguneqartutut taaneqarsinnaassaaq.

Ilanngullugu siunnersuutigineqarpoq, inatsimmi erseqqissarneqassasoq, imigassat Kalaallit Nunaanni immiugarineqarsimasut akitsuutaannik inatsit malillugu akilerneqarsimasussaagaluanik akitsuuserneqarsimannngitsunilli tunniussisoq, pissarsisoq, paarsisoq, atuisoq, assartuisoq imaluunniit pisoq akiliisitaanermik pineqaatissinneqarsinnaasoq.

'Paarsisutut' isumaqartinneqarpoq, nioqutissanik, akitsuutinik akilerneqarsimasussaangaluartunik akilerneqarsimannngitsunilli pissarsineq, paarsineq imaluunniit atuisinnaalernerq. Paarsineq unioqutitsinikkut pisinnaavoq.

Aalajangersakkami akilingassiisinnaanermut piumasaqaataasoq pisuni tamani tassaavoq piaraluni imaluunniit mianersuaalliorujussuarluni iliuseqarneq.

§ 2-mut

Siunnersuutigineqarpoq, Inatsisartut inatsisaat 1. juni 2019-imi atutilissasoq.